

# 卷三十

書名 文潞公文集四十卷 嘉靖五  
 年高陵呂氏刊本  
 撰者 宋 文彥博 撰，明 呂柟 校  
 卷 卷三十  
 內容分類 集-別集-北宋  
 索書號 集部-別集-3-28  
 編號 D7220100

彩色首頁1

東洋文化研究所漢籍目錄 編號: D7220100

東洋文化研究所漢籍目錄所藏漢籍善本全文影像資料庫 索書號: 集部-別集-3-28

漢籍善本全文影像資料庫本文潞公文集四十卷 嘉靖五年高陵呂氏刊本

版權所有: 東京大學 東洋文化研究所

使用上的注意事項

文潞公文集卷第一

古賦

聖駕幸太學賦并序

家以寰宇昭泰仍歲登平務恢儒風以章示黎獻  
 帝乃備法駕幸于太學詔諸儒博士講論前典親  
 聽焉臣獲逢休吉之期恭聞偉盛之事舞蹈不足  
 於賦誄誠不能述宣上德褒讚形容姑第樵夫之  
 不協擊轅之韻爾詞曰  
 受命之四葉皇上御極之三年九有成若六合  
 黎庶躋于壽域文教燭乎永天朝無闕政野無

欲促其年限殊不知雖時下差注得一番待闕之官  
即替回者却多待闕者却衆徒有更張並不濟事又  
非三載考績之義臣欲乞且遵用三年一任之法取  
進止

若通判以三十箇月為一任即五年成兩任便  
陞入知州則知州之闕轉多

文潞公文集卷第二十九

文潞公文集卷第三十

奏議

奏黃河事

臣竊見朝廷指揮都水監令於黃河沙堤第四鋪開  
分水口分水入孫村口入故道以紓北流決益墊溺  
之患水官以開第四鋪口恐水勢東流水猛下流舊  
堤久廢未甚完固且於第三鋪開口漸減水勢入孫  
村口故今開第三鋪口所減黃河水勢東行已甚  
湍急乞速降指揮下大名府并恩州督責上下官吏  
日夕分頭赴河上照管橫隄順水隄金新隄及二股

河下面恩州地分隄防並須完固勿令小有踈虞取  
進止

奏賜儒行中庸篇并七條事

太宗淳化三年二月詔以新印儒行中庸篇賜中書  
密院兩制三館御史中丞尚書丞郎給諫等人各一  
軸注先是御試進士日以儒行篇為論題帝意欲激  
勸士人敦脩儒行故特命雕印至是首賜新及第舉  
人孫何等次及宰輔近臣臺閣臣僚并銓司選人聖  
旨諭令依此脩身為治仍各於聽事所展掛終身遵  
奉之真宗大中祥符二年十一月帝作文武七條其

文臣七條曰一曰清心謂平心待物不為喜怒愛憎  
之所遷則庶事自正二曰奉公謂公直潔已則民自  
畏服三曰脩德謂以德化人不必專尚威猛四曰責  
實謂專求實效勿競虛譽五曰勤察謂勤察民情勿  
使賦役不平刑罰不中六曰勸課謂勸課下民勤於  
孝弟之行農桑之務七曰革弊謂求民疾苦而釐革  
之以賜京朝官任轉運使提點刑獄知州府軍監通  
判知縣者武臣七條一曰脩身謂脩飭其身士卒有  
所法則二曰守職謂不越其職侵抗州縣民政三曰  
公平謂均撫士卒無有徧四曰訓習謂教訓士卒勤

習武藝五曰簡閱謂閱觀士卒識其勤惰勇怯六曰存恤謂安撫士卒甘苦皆同常使齊心無令失所七曰威嚴謂制馭士卒無使犯禁以賜節度使以下至刺史及諸司使以下任部署鈐轄知州軍縣監押駐泊巡撫者又以禮記儒行篇賜親民釐務文臣其幕職州縣官監務使臣仍並賜勅戒勵令崇文院刻板摹印送閣門分給之初帝謂輔曰群臣上殿者朕各以所職戒之漢制刺史以六條問事魏有五條晉有五條武臣有諸葛亮七戒朕昨著辭思以勗勵諸臣又先朝嘗賜近臣儒行篇可并以賜之八年利州路

答奏

臣伏蒙聖恩特差中使降手詔省詢訪仰披訓旨俯集兢榮恭惟太皇太后陛下坤厚博載天光大明自聽政以來發號施令及進賢退愚時政汗隆或因或革小大愜當中外欣悅所謂宗社無疆之福太平浸隆之時矣而猶謙勤退託以臣遭遇累聖又竊重任又謂其犬馬之齒加長宜有重言曲賜下問乃詢黃髮采芻蕘之義臣敢不勉竭愚忠粗裨虛佇夫治體之太莫大乎任賢納諫近者所用轉相所擢諫憲皆久積時望大協輿情必能弼直獻納上副陛下求治

深切之心以至罷去市易國有四法商居其一既罷  
減損青苗青苗本於常平法以藏之豐儉出入其額  
配時皆便矣遂養保馬漢有保馬之法為害尚輕比  
民其為塗炭免納役錢三代之法民力使之納不過錢  
豐復故難得寬保甲按閱之頻遂豐民耕種之業時  
際農一師古民不講於農則市井畝畝之人歡呼  
之聲必已達於天聽矣豈在老臣條陳而後詳然上  
之數事有損無益不可久行而罷者本非朝廷所圖  
皆是近年以來臣僚急進僥倖成風率務妄起事端  
自來總領粗有微效則過求恩賞事若有害曾無責

中帝王門類內節錄十門分為十卷上進以備乙夜  
之觀庶幾塵路之微粗裨聖德臣不任區區之誠

奏勤恤民隱事

臣於四月二十九日至西京見本京進奏官中狀錄  
報皇帝太皇太后詔書以歷時災旱宿麥幾盡秋稼  
未立上軫聖念引咎歸已特減常膳有以見聖心焦  
勞得荒湯罪已應天之義然臣尚在都下每見東西  
使命詢其雨澤稼穡次第多云近已得雨苗稼滋茂  
臣既出京到洛見緣路民田宿麥秋稼悉如聖詔所  
及深慮向去小民艱食即聚為寇盜伏望嚴勅監司

覺察守令勤恤民隱勿致煩擾及督責巡檢縣尉屏除賊盜令境內清肅人戶安居救荒之政各在疚心諸事預防庶無後患

奏久旱乞不追擾事

元祐五年五月

臣聞化國之自舒以長蓋不奪民時不妨民力故曰力有餘而歲收有望臣竊以自春以來特雨愆亢人情惶惶謂必艱食至今月八日大雨霽霈庶民鼓舞急於田事老幼就功力穡有秋正在今日臣慮州縣親民之官不知農事之急以小詞訟勾追證逮禁繫淹延至於隨司門留亦皆拘繫頗妨農作臣欲乞

下諸路久旱郡縣當興農事急切之時民間小可詞訟鬪爭一切且罷追擾除事干人命及劫賊急竊公事即依常施行

奏西邊事

元祐六年八月

臣近得趙尚書云金城疆界未定止緣新壘侵占稍多虜情未易棄捨至今遷延若非朝廷堅守大信終始羈縻必恐再開邊隙民力豈易堪邪臣又見尚之奏草云宥州累牒稱蘭州等處將自來無人守把城寨設計暗差人騎守把却稱是元豐年脩築乃是昏賴之詞驗此南界邊官不欲夏國與朝廷通好况延

州是自有來有事計會之所今又一向就利自黨比等  
事情何處分雪若又一向固拒全不聽采夏國亦慮  
難盡臣子之節今來賊意已窮兼稱無處分雪必恐  
作過此隙一開邊吏邀功之人乘間盜利冒昨朝廷  
恩彼誠自甘其心生靈何所負耶臣重惜朝廷頓累  
年恩信一旦爭尺寸之利而失安邊之大計臣詳趙  
高之奏甚切亦恐邊吏爭小利以邀功賞為國生事  
臣伏觀二聖臨御以來威撫夷狄皆得其心邊境不  
徭中夏安寧今來夏國有此赴訴趙高又有奏陳臣  
雖未知其詳伏望令三省熟計而審處之若事未明  
白未能便夾定可否聞且令趙高徐報之如唐郭元  
振之吞吐蕃論欽陵之請無直塞其來意且為計以  
緩之使其惡意不得頓萌亦御戎之中策也臣又料  
此賊計見朝廷以其恭順不疑其心自去冬今春以  
邊儲有限直罷西邊戍兵數萬即謂邊備已解恐乘  
此作過臣以謂不得不過慮也謹具奏聞

文路公文集卷第三十一

進尚書孝經解

臣伏以皇帝陛下問曰御通英閣令講官講尚書又閣之南壁張孝經圖出入觀覽有以見陛下祖述堯舜憲章文武以至德要道孝治天下臣今輒於尚書諸篇中節錄十篇及孝經諸章中節錄六章進上以備禁中清閒之暇研究義味或時令講官節錄疏義進入上資聖德稽古求治之意臣伏讀尚書序云孔子生於周末觀史籍之煩文懼覽之者不一遂乃討論墳典斷自唐虞以下訖於周舉其宏綱撮其機要